



Na osnovu člana 22 Statuta Brčko distrikta BiH («Službeni glasnik Brčko distrikta BiH» broj: 17/08), Skupština Brčko distrikta BiH, na 69. redovnoj sjednici održanoj 11. juna 2008. godine, usvaja

**ZAKON**  
**O IZMJENI ZAKONA O OPĆIM USLOVIMA ZA ISPORUKU ELEKTRIČNE ENERGIJE**  
**BRČKO DISTRIKTA BOSNE I HERCEGOVINE**

**Član 1**

U Zakonu o općim uslovima za isporuku električne energije Brčko distrikta Bosne i Hercegovine («Službeni glasnik Brčko distrikta BiH», brojevi: 36/04, 03/06 i 28/07) član 31 mijenja se i glasi:

„Kod nadzemnog priključenja na NN mrežu, izvođenje unutrašnjeg priključka i vanjskog priključka na udaljenosti manjoj ili jednakoj 50m, sa zadnjeg uporišta vrši isporučilac, koji ugrađuje tipizirani materijal, opremu zaštitne i mjerne uređaje. Izvođenje vanjskog priključka od posljednjeg uporišta do mreže isporučioca, kupac može povjeriti za to ovlaštenoj organizaciji, pod uslovima koje odredi isporučilac.

Kod podzemnog priključenja na NN mrežu, izvođenje unutrašnjeg priključka vrši isporučilac, dok izvođenje vanjskog priključka kupac može povjeriti za to ovlaštenoj organizaciji, pod uslovima koje odredi isporučilac.

Naknadu za izvođenje dijela priključka koji je u nadležnosti isporučioca određuje isporučilac u skladu sa važećim cjenovnikom.

Isporučilac i novopriključeni kupac zaključuje ugovor o priključenju i finansiranju priključka.

Isporučilac utvrđuje osnovne elemente ugovora kao i iznos naknade za pokrivanje troškova angažovane snage i priključenja na elektrodistributivnu mrežu.

Način izrade vanjskog i unutrašnjeg priključka propisuje isporučilac prilikom izdavanja prethodne elektroenergetske saglasnosti.

Kupac je obavezan da riješi sve imovinskopravne odnose u vezi sa izvođenjem priključka.“

**Član 2**

Ovaj zakon stupa na snagu osmog (8.) dana od dana objavljivanja u «Službenom glasniku Brčko distrikta BiH».

Broj: 01-02-108/08  
Brčko, 11. juna 2008. godine

**PREDSJEDNIK**  
**SKUPŠTINE BRČKO DISTRIKTA BiH**  
Prof. dr. Milan Tomić, s.r.